

御選明詩卷第六十一目錄

五言律詩十二

方揚一首

吳丕顯一首

鄭學醇一首

高善一首

李應徵四首

姚舜牧一首

林章二首

孫繼皋二首

孫繼皋一首

行述明言
趙南星一首

李三才三首

徐元春一首

邢侗三首

鄒迪光五首

范守已二首

徐三重二首

李誌一首

錢應晉一首

馮琦八首

鄒元標二首

陸可教一首

馮夢禎一首

徐桂一首

張維新一首

顧紹芳三首

沈自邠三首

沈九疇一首

蘇濬一首

吳達可一首

吳安國一首

張敬一首

朱應穀二首

屠隆三首

鄧汝楫一首

馮大受四首

陸長庚一首

余寅一首

葉初春一首

車大任二首

楊于庭五首

董嗣成一首

臧懋循一首

章嘉楨一首

張恒二首

張萱一首

朱國祚四首

葉向高一首

徐應聘一首

于若瀛二首

來三聘一首

朱長春七首

方應選七首

莊履朋一首

湯顯祖四首

曾士鑑一首

陳邦訓一首

唐文獻二首

楊道賓二首

全天敘一首

袁宗道五首

袁宏道九首

袁中道十首

吳應賓一首

王士昌一首

李啟美一首

王嘉謨三首

沈瓚十一首

潘大復二首

王一鳴一首

徐燾二首

徐燾八首

張文柱一首

李鼎一首

焦竑五首

陶望齡八首

董其昌九首

高攀龍一首

馮從吾一首

林堯俞五首

御選明詩卷第六十一

五言律詩十二

方揚

金山

虛閣疑無地
琳宮別有天
江空萬籟發
僧定一燈懸
七澤吞吳楚
孤峯自歲年
乘風興不淺
高眺已泠然

吳丕顯

題襟江樓

纜解春江曉
帆懸碧樹秋
開窗千里月
近檻一江流
草色迎芳渡
歌聲逐去舟
十年湖海夢
猶自媿沙鷗

鄭學醇

園居

藥裹供垂老幽棲性獨偏每尋高士傳無復遠遊篇柔
櫓村煙外寒江夕照前沙鷗我與汝相對可忘年

高善

秋泊

暮色生紅樹天風起白蘆錢塘西入閩銀漢北懸吳月
瘦霜華重松高鶴夢孤不知今夜酒能到五更無

李應徵

江行與蘇生別

葭莢正蒼蒼緣流水一方平沙連極浦斜日上危檣坐
惜故人別因悲江路長行行秣陵近回首各他鄉

人日峴山遣興

人日人爲客春風春可憐
煙波浮宅遠丘壑寄情偏
柏葉烏程酒椒盤下若鰈
如從習池飲醉臥峴山前

正月十六夜畢孟侯至

春草忽已綠春潮寒到門
喜從新雨後得共故人言
小婦調中饋殘燈續上元
庭梅未搖落還擬數開尊

廣陵送張孟奇

乾坤同作客千里任飄蓬
況復離亭別蕭條落照中
濤聲揚子北寒色海門東
去去煙波外無爲歎路窮

姚舜牧

秋日訪臧顧渚年丈慈感寺不遇

爲憶交情好攜筇過道林雨餘秋水淨地迴白雲深入
定聞清梵留題付朗吟道然真會晤何必共披襟

林章

白雲觀秋夜

俯仰成何事浮沉寄此身無家逢寺好多病見僧親夜
久霜欺客庭空月礙人西風數相過不掃化衣塵

舟中別張仲豫

昨日淮陽客今朝江上還離亭一杯酒去棹萬重山雲
樹故人意風塵遊子顏未知攜手處莫惜暫追攀

孫繼皋

山中

山中無棟宇小屋但誅茅境僻人煙少林深虎迹交暗
泉通石竇炎日避松梢寂寞元無事披襟誦解嘲

立秋日病

伏枕仍今夕開軒乍已秋高梧片葉落大火一星流楚
戶砧初動齊紈扇欲收因思故園鱸強起賦登樓

孫鑛

雨

漠漠雲籠閣霏霏雨拂簷彈琴絃半緩收扇墨多黏古
礎方花潤高枝墜果甜此心無俗慮屋漏亦何嫌

趙南星

春日郡居

垂暇尋幽事名香手自焚澆花分細草翫鳥得孤雲天
擁青山近風飄白日曛長歌思隱士終老謝塵紛

李三才

秋夜宿直

十載猶郎署蹉跎媿少年涼風迴樹杪白露下庭前漏
度三更雨燈殘五夜煙由來飛動意回首欲茫然

送姜仲文之徐州

轉餉君之楚爲郎我滯燕一尊悲遠道並馬憶朝天雲
失西山樹江迷大澤煙相思若汴水日夜咽君前

送馬心易被謫南還

風雨金陵暮蕭然逐客舟酬恩空一劍去國正三秋岸

閣青楓遠江深落照愁五湖知有興只此又何求

徐元春

靈谷寺訪月泉禪師

山郭尋僧出行行黃葉邊石泉秋聽急江月坐來圓興
豁長昏夜門開不住天時聞鐘磬發獨立萬峯前

邢侗

秋日得李希說年兄太原書却寄

故國風煙古天涯草樹疎月通汾水夢雲度太行書出
處皆吾道寒暄有敝廬題封猶未悉瓜地待春鋤

臘日送野鷗先生赴清源訪狄將軍

殘雪猶在地送君將奈何客衫翻酒污鄉夢落梅多曉

寺鐘初定寒林鳥始過行行遇知己按劍一長歌

聞王百穀寓南屏寺奉懷

卜築南屏寺多因太守賢榻移千竹潤書枕一牀眠禮
佛沈香火看花細雨天無緣陪勝侶吟望獨淒然

鄒迪光

春日園居雜詩

行吟不放盞坐釣亦攜書山鳥時調弄階莎勿翦除習
眠如濕柳避客似驚魚游冶非吾意春光任爾舒

秋日泛舟至山園兼過法院次林若撫韻二首

水容開皎鏡汎渚愜新秋紅樹能迎客青衣學駕舟藥
闌天露洗澗道夜珠流自笑如拳石難言五岳游